

خزینہٴ اوراق

نومبر
۱۷

تاریخ تاسیس
۱ مایس سنہ ۱۲۹۷

جمعہ ابرقسی

عمومی اعتباریہ قانونہ دائر رسالہٴ ادبیہ در

آیدہ درت کرہ اولہرق جمعہ ابرقسی کوئلری چبقار

سید محمد سعید افندینک پنانہ اوغرایان واپورلرہ وچین

مہاجرلرینہ دائر وبردیکی بعض ملومات

پنانہ پک چوق واپور اوغرار . هرکون برقاج واپور کلوب
برقاجی کیدر .

اولا چین مالککندن هونقون ایله لوندرہ بیندہ ایشلیان
انکلیز قومپانیدہ سنہ متعلق اولہرق هراون بش کوندہ طرفیندن
ایکی واپور .

ثانیہ سنہ هونقون ایله لیورپول بیندہ ایشلیان لیورپول
قومپانیدہ سنہ متعلق اولہرق هر سکز کوندہ ایکی واپور .
ثالثہ هند شرق قومپانیدہ سنہ متعلق هر اون بش کوندہ
طرفیندن ایکی واپور .

رابعہ مدارس ایله سنکاپور بیندہ ایشلیان (برما) قومپا .
نیدہ سنہ متعلق اولہرق هراون بش کوندہ ایکی واپور .

خامسہ هونقون ایله کلکته بیندہ ایشلیان زارون وساسون
قومپانیدہ لرینہ متعلق اولہرق هراون بش کوندہ درت واپور .

ہوایکی قومپانیہ بینلرنده اولان مقاولہ اقتضاسنجه دائما ہر ہری
برینک مالی اولمق اوزرہ ایکی واپور برلکده حرکت ایدرلر .
سادسا آچین ایله جاوہ بینده ایشلیان ایکی ہولاندہ
قومپانیہسنہ متعلق اولہرق ہر اون بش کوندہ درت واپور .
سابعا سنکاپور ایله ہندستان ملحقاتدن ناقرینام بینده
ایشلیان درت قرداش قومپانیہسنہ متعلق اولہرق ہر سکر
کوندہ ایکی واپور .

نامتا سنکاپور اہالی مسلمہسندنسید احمد (سکاوک) اولمق
اوزرہ محل مذکور ایله جزیرۃ العرب سواحلسہ اوغرایہرق
جدہ بینده ایشلیان واپورلر دخی ایدہ ایکی دفعہ اوغرارلر .
تاسعا چین ایله رانغور بینده ایشلیان چین قومپانیہسنہ
متعلق اولہرق ہر سکر کوندہ ایکی واپور .
ہونلردن بشقہ یقین محللرہ امد شد ایدن دیگر برچوق واپورلر
دخی واردلر .

مذکور ساسون قومپانیہسی واپورلری فقرادن اولان
یولجیلر حقندہ پک مرحمتلیدر ہر دفعہ حرکتلرنده کلکستہ
ایله ہونفوندن یکرمی بشر دینان ایله سنکاپوردن اونر فقیر
یولجی یی مجانا قبول ایدرلر . بو خیرات یہودی وخرستیان
واسلام فقراسنہ مخصوصدر . موسی الیہ ساسون فی الاصل بغداد
یہودیلرندن اولوب الیوم ہندستانک انک زینکین تجارتنددر
جملہدن زیادہ یہودی فقراسی ہوندن استفادہ ایدپورلر چونکہ
بو سایہدہ حاللرینہ کورہ براز امتعہ تجارتیہ ایله امد شد ایدرک
تمتع ایلپورلر .

چینلورلر قرن جاقرق ابتداسندن برو اسیا سواحلسہ وبھر

محيطه كلك اوزره طاغليورلر باخصوص اوروپالورلك زير تصرفنده اولان محللره زياده رغبت ايدرلر فقط آچين بوندن مستنادر چونكه اوراده يقين وقته قدر اهل اسلامدن بشقه ملت قبول اولنمز ايدى . شمدى هولانده ليلرك استيلاسى مناسبتيلا بلكه حال دكشور . چينده نفوس پك زياده اولديغندن اهالى دائما خارجه هجرت ايدرلر چينلور مملكتلرندن على العموم بكار اولدق چيقوب بر از اچمه قزاندقدن صكره عودت ايدرلر فقط بر چوغى دخی بولندقلرى محللرده برلشوب قالورلر . چينده قادينلرك خارجه عزيمتلى ممنوعدر مع مافيه بعض كره خفيا چيقارلر . چينلور بولندقلرى ممالك اجنبيده مجوسى قادينلرله تزوج ايدوب اليوم بونلرك نسلارى هر يرده كثر اوزره در فقط سوماطره ويلين بان و جاوده اسلام قادينلرله دخی تزوج ايدوب بونلردن تولد ايدر ارلك چوجق بابالرينك و قزلك اتالرينك مذهبه تابع اولورلر .

چينلور پك چالشقان و اهل هنر ادملردر . ضمنده قزائج اولان هر صنعت و فرقه يه كيريشورلر و اهل قناعت اولدقلرندن هر ايشده اهالى سائر يه رقابت ايدرلر . كرك مملكت و كرك حكومت لسانى اوكرنورلر .

بولندقلرى محللرده اكثريا آبرى محلللى اولميسوب يرلورله مختلطاً اوطشورلر و انلرله حسن امتزاج ايدرلر . هر نره يه كشمدر كندى قيافتلرينى و اخلاق و عادات مليه لرينى محافظه ايدرلر . هر يرده كندولرينه مخصوص عبادتخانه لرى و مكتبلى و مزارقلرى واردر .

چينلور هر محلى مزارلق اتخاذا ايجيوب بعض شرائط

مخصوصه رعايت ايدرلر وز علمرينه كوره بر مزارلغك اوراده
مدفون اولان موتانك نسلي حقنده تأثيراتى اولوب كويابرجهتله
انسانلر سعيد و شقى اولورلر ايمش .

چينلورلك ممالك اجنبیهده قونسلوسلرى اوليوب محلى حكو-
مترلينه تابعدرلر . يالکز سنکاپورده برچين قونسلوسى واردر .
فقط کندولر اوروپا اداره سنى کندی حکومتلرينه ترجيح ايدرلر .
چين مجوسيلرندن شرف اسلام ايله مشرف اولنلر چوق بولنور
فقط خرستيان و يا خود ساتر مذهبي قبول ايدنلر هيچ کورلما .
مشدر . مهاجرلرک ايجنده ذاتا اسلام اولان چينلى دخی چوق
بولنور .

چينلور شراب و عرق ايجرلر فقط کندولرينه مخصوص
(صام صو) اسمنده برنوع عرفلى واردرکه پرنجندن استخراج
ايدرلر بو صام صوده کی صو لفظى ترکی اولان صودرکه
چين و ترکی لسانلرنده مشترکدر .

منيف

کمال بك افندينك مقاله سندن مابعد

ايشته واجب الوجودك نظيرى معدوم مطلقدر فقط بز
ذهنيزده اويله بر تصور بوليورز بدیدیرکه معدومی دوشونمک
محال اولسیدی افکار بشرده بوتصور بولغزیدی . طبیعت ايجنده
خلو مطلق عادتاً معدوم ايکن بز آنی تصور ايتک شوييله
طورسون جيوه ايله شيشه بيننده از بر زمان تمیز بيله ايتديرسيورز
ديمک که معدوم يالکز متصور دکل مقبر دخی اولسه ينه